




Ketouvim (hagiographes) - Esther

Chapitre 1

- 1,1 ויהי בימי אחשורוש: הוא אחשורוש, המלך מהדו ועד-כוש--שבע ועשרים ומאה, מדינה.
 1,2 בימים, ההם--כשבת המלך אחשורוש, על כסא מלכותו, אשר, בשושן הבירה.
 1,3 בשנת שלוש, למלכו, עשה משתה, לכל-שריו ועבדיו: חיל פרס ומדי, הפרתמים ושרי המדינות--לפניו.
 1,4 בהראתו, את-עשר כבוד מלכותו, ואת-יקר, תפארת גדולתו; ימים רבים, שמונים ומאת יום.
 1,5 ובמלואת הימים האלה, עשה המלך לכל-העם הנמצאים בשושן הבירה למגדול ועד-קטן משתה--שבעת ימים: בחצר, גנת ביתו המלך.
 1,6 חור כרפס ותכלת, אחוז בתבלי-בוץ וארגמן, על-גילי כסף, ועמודי שש; מטות זהב וכסף, על רצפת בהט-אשש--וידר וסכרת.
 1,7 והשקות בכלי זהב, וכלים מכלים שונים; ויין מלכות רב, כיד המלך.
 1,8 והשתיה כדת, אין אנס: כי-כן יסד המלך, על כל-רב ביתו--לעשות, כרצון איש-ואיש. {ס}
 1,9 גם ושתי המלכה, עשתה משתה נשים--בית, המלכות, אשר, למלך אחשורוש.
 1,10 ביום, השביעי, כטוב לב-המלך, ביון--אמר למהומן בזמא חרבונא בגמא ואבגמא, זתר וכרכס, שבעת הפריסים, המשרתים את-פני המלך אחשורוש.
 1,11 להביא את-ושתי המלכה, לפני המלך--בכתר מלכות: להראות העמים והשרים את-יפיה, כי-טובת מראה היא.
 1,12 ותמאן המלכה ושתי, לבוא בדבר המלך, אשר, ביד הפריסים; ויקצף המלך מאד, וחמתו בערה בו. {ס}
 1,13 ויאמר המלך, לחכמים ידעי העתים: כי-כן, דבר המלך, לפני, כל-ידעי דת ודין.
 1,14 והקרב אליו, כרשנא שתר אדמתא תרשישי, מרס מרסנא, ממוכן--שבעת שרי פרס ומדי, ראי פני המלך, הישבים ראשנה, במלכות.
 1,15 כדת, מה-לעשות, במלכה, ושתי--על אשר לא-עשתה, את-מאמר המלך אחשורוש, ביד הפריסים. {ס}
 1,16 ויאמר מומכן (מומכן), לפני המלך והשרים, לא על-המלך לבדו, עתה ושתי המלכה: כי על-כל-השרים, ועל-כל-העמים, אשר, בכל-מדינות המלך אחשורוש.
 1,17 כי-יצא דבר-המלכה על-כל-הנשים, להבזות בעליהן בעיניהן: באמכם, המלך אחשורוש אמר להביא את-ושתי המלכה לפניו--ולא-באה.
 1,18 והיום הזה תאמרנה שרות פרס ומדי, אשר שמעו את-דבר המלכה, לכל, שרי המלך; וכדי, בזיון וקצף.
 1,19 אם-על-המלך טוב, יצא דבר-מלכות מלפניו, ויכתב דתי פרס ומדי, ולא יעבור: אשר לא-תבוא ושתי, לפני המלך אחשורוש, ומלכותה יתן המלך, לרעותה הטובה ממנה.
 1,20 ונשמע פתגם המלך אשר-יעשה בכל-מלכותו, כי רבה היא; וכל-הנשים, יתנו יקר לבעליהן--למגדול, ועד-קטן.
 1,21 וייטב, הדבר, בעיני המלך, והשרים; ויעש המלך, כדבר ממוכן.
 1,22 וישלח ספרים, אל-כל-מדינות המלך--אל-מדינה ומדינה ככתבה, ואל-עם ועם כלשונו: להיות כל-איש שרר בביתו, ומדבר כלשון עמו. {ס}



Rabbi Its'hak Abi'hssira, "Baba Haki"

Biographie incontournable de l'un des leaders du Judaïsme marocain et pionnier-fondateur en Erets Israël.

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions